



EXCO – BIH Izvozno vijeće je osnovano od strane
Vijeća ministara BiH a njime upravlja Ministarstvo
vanjske trgovine i ekonomskih odnosa

EXCO – B&H Export Council is founded by B&H
Council of Ministers and governed by Ministry
of Foreign Trade and Economic Relations

EXCO – БиХ Извозни савјет је основан од стране
Савјета министара БиХ а њиме управља Министарство
спољне трговине и економских односа

INFORMACIJA

O RADU IZVOZNOG SAVJETA BOSNE I HERCEGOVINE

za period 1. januar 2017. - 31. decembar 2017. godine

Sarajevo,
januar 2018. godine

INFORMACIJA O RADU IZVOZNOG SAVJETA BOSNE I HERCEGOVINE za period 1. januar 2017. - 31. decembar 2017. godine

1. UVOD

Savjet ministara Bosne i Hercegovine (Savjet ministara BiH) je donio Odluku o organizaciji i djelatnostima Savjeta za podsticanje izvoza BiH („Službeni glasnik BiH“, broj 98/06), kojom je formiran Izvozni savjet BiH, a Odlukom o izmjenama i dopunama Odluke o organizaciji i djelatnostima Izvoznog savjeta BiH za podsticanje izvoza BiH („Službeni glasnik BiH“, broj 56/09) je proširen broj članova Izvoznog savjeta BiH iz institucija i izvozno orijentisanih kompanija, te ima četrnaest punopravnih članova (sedam predstavnika državnih /entitetskih ministarstva /institucija i sedam predstavnika izvozno orijentisanih kompanija), dok su predstavnici Izvozno-kreditne agencije BiH (IGA BiH) i Agencije za promociju stranih investicija BiH (FIPA BiH) posmatrači.

Ministar spoljne trgovine i ekonomskih odnosa BiH, nakon konsultacija sa nadležnim državnim, entitetskim institucijama, Spoljnotrgovinskom komorom BiH i entitetskim privrednim komorama je imenovao članove Izvoznog savjeta BiH na mandatni period od tri godine (Odlukom broj: 02-4-02-659/16 od dana 23. februara 2016. godine i Odlukom o izmjeni Odluke broj: 02-4-02-659-1/16 od dana 22. decembra 2016. godine):

- Dragiša Mekić - Predsjedavajući Izvoznog savjeta BiH, Ministarstvo spoljne trgovine i ekonomskih odnosa BiH (MVTEO BiH);
- Kemal Čolak - Zamjenik predsjedavajućeg Izvoznog savjeta BiH, Promo - Donji Vakuf;
- Tanja Milašinić Martinović, Ministarstvo inostranih poslova BiH, član;
- Boris Raić, Ministarstvo finansija i trezora BiH, član;
- Mirko Barišić, Uprava za indirektno oporezivanje BiH, član;
- Bruno Bojić, Spoljnotrgovinska komora BiH, član;
- Ševal Suljkanović, Bimal - Brčko, član;
- Nedin Uzunović, Bosnalijek - Sarajevo, član;
- Snježana Koepruner, GS Tvornica mašina - Travnik, član;
- Vedrana Hamzić, Interkomerc - Mostar, član;
- Zoran - Obren Vukoje, Podrumi Vukoje 1982 - Trebinje, član;
- Miroslav Petrešin, Sportek - Kotor Varoš, član;
- Marinko Bošnjak, Ministarstvo energije, rudarstva i industrije Federacije BiH, član;
- Zorica Ljepojević, Ministarstvo industrije, energije i rudarstva Republike Srpske, član;
- Aldijana Dubravić, Izvozno - kreditna agencija BiH (IGA BiH), posmatrač;
- Maida Bećirović, Agencija za promociju stranih investicija BiH (FIPA BiH), posmatrač.

Predstavnici državnih /entitetskih ministarstava /institucija u Izvoznom savjetu BiH trebaju biti na višim pozicijama u svojim institucijama, te su *ex officio* članovi sve dok su na tim pozicijama, dok je predsjednik Spoljnotrgovinske komore BiH (STK BiH) po funkciji član Izvoznog savjeta BiH.

Izvozni savjet BiH je održao, do dana 31. decembra 2017. godine, ukupno 41. sjednicu (u prosjeku dvije do tri sjednice godišnje), a broj održanih sjednica zavisi od dostavljenih

materijala i realizacije pokrenutih inicijativa ili datih preporuka prema nadležnim institucijama (napomena: u nekim slučajevima nadležne institucije ne odgovaraju na upućene inicijative / date preporuke, odnosno ne preuzimaju nikakve aktivnosti, što znatno usporava i ograničava rad Izvoznog savjeta BiH).

Sjednice Izvoznog savjeta BiH se održavaju u pravilu u Sarajevu, u prostorima MSTEО BiH ili Spoljnotrgovinske komore BiH (napomena: nema finansijske naknade niti pokrivanja troškova dolaska na sjednice za predsjedavajućeg/ zamjenika predsjedavajućeg i članove). Odsjek za unapređenje i promociju izvoza (OPI) u Sektoru za spoljnotrgovinsku politiku i strana ulaganja u MSTEО BiH obavlja funkciju Sekretarijata Izvoznog savjeta BiH.

2. CILJEVI

Osnovni ciljevi Izvoznog savjeta BiH su:

- ❖ Podizanje svijesti o važnosti Promocije izvoza (PI);
- ❖ Iniciranje kreiranja efikasne institucionalne strukture i opšteg okruženja za PI;
- ❖ Monitoring državne strategije promocije izvoza;
- ❖ Uspostavljanje institucionalne veze između OPI, koji kreira politiku PI i STK BiH, u ulozi Agencije za promociju izvoza (BH EPA), koja implementira tu politiku;
- ❖ Praćenje i usmjeravanje rada BH EPA-e kroz izjašnjavanje o planovima i izvještajima;
- ❖ Iniciranje rješavanja svih pitanja važnih za izvoznike;
- ❖ Iniciranje iznalaženja najboljih sistemskih i zakonskih rješenja vezano za PI;
- ❖ Koordinacija rada svih institucija i aktivnosti vezanih za PI.

3. NAČIN RADA

Izvozni savjet BiH ima koordinirajuću i savjetodavnu ulogu (i to je specifičan oblik državno-privatnog partnerstva i društvenog konsenzusa), u smislu razmatranja i analize problema i prepreka sa kojima se susreću proizvođači /izvoznici, prije svega vezanih za nedostatak i neusklađenost domaćih propisa i poslovne prakse nadležnih institucija sa propisima i praksom Evropske unije, što stvara značajne ekonomske, tehničke i administrativne barijere u svakodnevnom poslovanju privrednih subjekta.

Materijale na sjednicu, pored sekretarijata Izvoznog savjeta BiH, dostavljaju članovi (u ime raznih udruženja privrednika, privrednih subjekata, komora, itd.) koji aktivno učestvuju u radu na pokretanju inicijativa i davanju preporuka /prijedloga nadležnim institucijama radi rješavanja konkretnih problema sa kojima se proizvođači /izvoznici susreću, sa ciljem unapređenja poslovnog okruženja u zemlji i povećanja spoljnotrgovinske razmjene.

Treba istaknuti da na sjednicama Izvoznog savjeta BiH privatne kompanije /izvoznici imaju mogućnost neposrednog kontakta sa članovima /predstavnicima državnih i entitetskih ministarstva /institucija, što omogućava uspostavljanje bolje komunikacije, lakše iznošenje i upoznavanje sa problemima, kao i brže rješavanje iznesenih problema.

4. PREGLED AKTIVNOSTI IZVOZNOG SAVJETA BIH ZA PERIOD 1. JANUAR 2017. - 31. DECEMBAR 2017. GODINE

U periodu 1. januar – 31. decembar 2017. godine, na dvije održane sjednice Izvoznog savjeta BiH, se raspravljalo o velikom broju informacija /otvorenih pitanja /problema, te je dalo niz inicijativa:

- Inicijativa (prema Upravi za indirektno oporezivanje BiH) za donošenje podzakonskih akata, prije svega Odluke o oslobađanju od plaćanja carina za opremu koja se uvozi za novu ili proširenje postojeće proizvodnje ili osavremenjivanje postojeće proizvodne tehnologije - član 207. Zakona o carinskoj politici u Bosni i Hercegovini, donesenog u julu 2015. godine, kao i Odluke za stupanje na snagu predmetnog Zakona;
- Inicijativa (prema Sektoru za carinsku politiku i tarifu u MSTEEO BiH) vezana za način donošenja i kriterije za uključivanje roba /repromaterijala na listu u „Odluci o privremenoj suspenziji i privremenom smanjenju carinskih stopa kod uvoza određenih roba za 2018. godinu“, s ciljem proširenje predmetne liste sa robama iz većeg broja sektora - metalni i drvni sektor (napomena: usvojena je inicijativa Izvoznog savjeta BiH za uključivanje „nelegiranog aluminija“ u listu Odluke za 2018. godinu), te je predloženo da se predmetna Odluka donesi sredinom godine (dosadašnja praksa da se odluka donosi krajem decembra tekuće godine za narednu godinu), jer bi se na taj način ostvarili znatno veći efekti u poslovanju i proizvodnji privrednih subjekta, radi zaključivanja ugovorima sa stranim poslovnim partnerima;
- Inicijativa (prema Upravi za indirektno oporezivanje BiH) za unapređenje propisa, pojednostavljenje i skraćivanje trajanja pojedinih carinskih postupaka /procedura pri izvozu /uvozu roba (npr. lokalno izvozno /uvozno carinjenje, status ovlaštenog pošiljaoca, primjena zelene i crvene trake selektiviteta, skraćivanje rokova izdavanja odobrenja za unutrašnju obradu sa trideset dana na deset dana, privremeni uvoz uz djelimično i potpuno oslobađanje uvoznih taksi, uvođenje bjanko trasiranih mjenica za uvoz kalupa i alata, skraćivanje trajanja procedure obrade pošiljki kod uvoza brzom poštom, itd.) s ciljem efikasnijeg rada nadležnih institucija i smanjenja troškova kompanijama i vremenskog trajanja postupaka;
- Inicijativa (prema Sektoru za carinsku politiku i tarifu u MSTEEO BiH) za ukidanje „no-drawback rule“ na sve robe bez porijekla koje učestvuju u određenom procentu kod dobivanja proizvoda sa bh. porijeklom (ovo pravilo je ugrađeno u sporazume o slobodnoj trgovini i odnosi se na zabranu povraćaja ili oslobađanja od carine za bilo koji materijal bez porijekla koji je korišten u izradi finalnog proizvoda sa porijeklom, što znači da se odnosi na obavezu plaćanja carine i drugih dažbina na sve repromaterijale bez porijekla upotrebjene u izradi finalnog proizvoda koji se izvozi sa preferencijalnim porijeklom).

Ova inicijativa je u pravcu donošenja propisa koji se odnose na povrat carina plaćenih na uvozne robe bez porijekla, a koje učestvuju u proizvodnji roba koje uz određeni stepen obrade i prerade dobivaju status roba sa bh. porijeklom i time stiču preferencijalni – povlašteni tretman na tržištu (definisani međunarodnim ugovorima);

- Analizirana je informacija o spoljnotrgovinskoj razmijeni Bosne i Hercegovine za 2017. godinu iz koje se vide pozitivni trendovi u rastu proizvodnje i konkurentnosti, izvoza, pokrivenosti uvoza izvozom, što je rezultat i provođenja određenih reformskih procesa i

aktivnosti nadležnih državnih institucija i entitetskih vlada. Međutim zaključeno je da je u cilju daljeg unapređenja poslovnog okruženja potrebno ubrzati provođenje strateških ekonomskih, finansijskih i drugih reformi (uključuje donošenje strateških dokumenata i akcionih planova), te usvajanje niza reformskih zakona (kao i uvođenje tehničkih propisa i standarda) usklađenih sa pravnom stečevinom Evropske unije;

- Inicijativa (prema Međudržavnoj komisiji za granicu BiH i Upravi za indirektno oporezivanje BiH) vezana za otvaranje graničnog prelaza u Novom Gradu za teretni saobraćaj i carinske ispostave u Banja Luka za izvoz roba posebne namjene, s ciljem olakšavanja izvoza roba, odnosno skraćivanja trajanja procedure carinjenja roba;
- Inicijativa (prema MSTEО BiH i Savjetu ministara BiH) za povećanje ukupnog iznosa grant novčanih sredstava za domaće i međunarodne sajmove /manifestacije u 2018. godinu („Odluka o odobravanju grant sredstava iz budžeta institucija Bosne i Hercegovine kao podrška održavanju sajмова u zemlji i inostranstvu za 2018. godinu“), što bi osiguralo povećanje broja međunarodnih sajмова /manifestacija na kojim bi se prezentirali potencijali bh. privrede (i povećao broj kompanija koje bi učestvovalе), a to bi omogućilo i bolju organizaciju međunarodnih sajмова u Bosni i Hercegovini;
- Analiziran je Izvještaj o radu sektora ekonomske diplomatije u Ministarstvu inostranih poslova BiH za 2016. godinu, kao i Izvještaj o realizaciji aktivnosti Agencije za promociju izvoza BiH (BHEPA/STK BiH) za 2016. godinu, te je istaknuto da su realizovane aktivnosti u okviru „ekonomske diplomatije“ i međunarodnih sajмова imale pozitivnih efekata na poboljšanje spoljnotrgovinske razmjene.

Zaključeno je da je od velike važnosti za unapređenje „ekonomske diplomatije“ unaprijediti saradnju i koodrinaciju između svih relevantnih institucija (na državnom i entitetskom nivou), a to posebno podrazumjeva unapređenje saradnje između MSTEО BiH, Ministarstva inostranih poslova BiH, Spoljnotrgovinske komore BiH (Agencije za promociju izvoza BiH) i Agencije za unapređenje stranih investicija u BiH, boljom koordinacijom /dogovaranjem navedenih institucija pri pripremanju zajedničkih godišnjih programa rada, kao i detaljnom analizom ostvarenih rezultata iz predhodne godine;

- Data je podrška zajedničkim aktivnostima entitetskih resornih ministarstva i Spoljnotrgovinske komore BiH, Asocijacije drvne industrije i šumarstva (prema MSTEО BiH i Savjetu ministara BiH) na pripremi odgovarajućih mjera (koje bi bile u skladu sa EU propisima i obavezama iz zaključenih međunarodnih ugovora /sporazuma) koje bi smanjile/ograničile veliki izvoz sirovina (posebno trupaca i ogrijevnog drveta) i omogućile kontinuirano i sigurno snabdijevanje sirovinama domaćih proizvođača namještaja i proizvoda od drveta više faze obrade;
- Inicijativa (prema Vladi Federacije BiH, Parlamentu Federacije BiH) za hitnim donošenjem Zakona o šumama Federacije BiH, kao i podzakonskim aktima, kako bi se osiguralo efikasno i efektivno gazdovanje šumama i adekvatan nadzor i čuvanje šuma, a to bi osiguralo i bolje poslovno okruženje i uslove za sigurnije snabdijevanje sirovinama /drvnim sortimentima proizvođača /izvoznike;
- Data je podrška inicijativi Spoljnotrgovinske komore BiH - svih njenih asocijacija /udruženja /grupacija) (prema Upravi za indirektno oporezivanje BiH) za izmjenu Zakona

o porezu na dodatnu vrijednost, u smislu da se rok za plaćanja poreza pomjeri sa desetog na kraj tekućeg mjeseca);

- Data je podrška inicijativi Spoljnotrgovinske komore BiH – Grupacije namjenske proizvodnje (prema Ministarstvu inostranih poslova BiH, Savjetu ministara BiH, Predsjedništvu BiH) s ciljem poduzimanja mjera /aktivnosti za omogućavanje izvoza roba namjenske industrije u Republiku Azerbajdžan, imajući u vidu da većina zemalje regiona izvozi tu zemlju;
- Inicijativa (prema Izvozno–kreditnoj agencija BiH - IGA BiH) vezana za aktivnosti ponovnog početka izdavanja izvoznih garancija privrednim subjektima (uključujući utvrđivanje mogućnost izdavanja garancija za neke robe /proizvode namjenske industrije), što bi imalo pozitivno efekte na povećanje izvoza roba i usluga;
- Analizirani su ostvareni rezultati u oblasti „infrastrukture kvaliteta“ (standardizacija, mjeriteljstvo, akreditacija, nadzor nad tržištem, tehnička usklađenost), te je zaključeno da nadležna ministarstva / ovlaštene institucije trebaju ubrzati proceduru preuzimanje EU direktiva /uredbi i tehničkih propisa, kao i primjenu istih, što će imati pozitivne efekte na bh. proizvođače, jer će se na taj način smanjiti tehničke i administrativne prepreka pri uvozu i izvozu roba, te osigurati potrošačima kvalitetnije i bezbijeđenije proizvode a nadležne institucije će na jednostavniji i efikasniji način sprovesti nadzor nad proizvodima /robama na tržištu;
- Analiziralo nekarinske barijere uvedene od strane Republike Srbije i pozdravilo zaključivanje Protokola o ukidnju nekarinskih barijera (potpisan od strane ministra Mirka Šarovića i ministra Rasima Ljajića), jer su na ovaj način ukinute i barijere na izvoz bh. piva u Republiku Srbiju (dogovoreno da na etiketi /deklaraciji piva bude veći broj bh. uvoznika i prihvaćeno je da tekst na deklaraciji /etiketi bh. piva bude na jeziku koji se koristi na deklaraciji /etiketi piva na tržištu Bosne i Hercegovine).

Analizirani su rezultati spoljnotrgovinske razmijene piva i utvrđene određene nejasnoće /problemi oko uvoznih cijena piva, te uputilo dopis Upravi za indirektno oporezivanje BiH za pojašnjenje značajnog pada ulaznih fakturnih cijena piva iz Republike Srbije (za 54,0% u posljednje tri godine), dok su ulazne faktorne cijena piva u istom periodu iz drugih zemalja ostale gotovo iste, te je zaključeno da pad ulaznih cijena piva može značajno uticati i na obim proizvodnju i količinu prodaje domaćih proizvođača piva na tržištu Bosne i Hercegovine, uzimajući u obzir i činjenicu da je Republika Srbija najveći izvoznik piva u Bosnu i Hercegovinu. Takođe „nejasno“ smanjenje faktorne cijena piva može značajno smanjenjiti i osnovicu za obračun poreza na dodanu vrijednost. Nakon prikupljenih novih podataka /informacija o navedenom problemu na narednim sjednicama će se o ovoj temi ponovo raspravljati;

- Razmatrani su problemi sa izvozom bh. vina u Republiku Hrvatsku (imajući u vidu činjenicu da te probleme bh. vinari nemaju pri izvozu vina u druge članice Europske unije) te je podržan zaključak sa sastanka održanog u decembru u MSTEIO BiH o potrebi održavanja bilateralnog sastanka nadležnih ministara Bosne i Hercegovine i Republike Hrvatske s ciljem rješavanja ovog problema.

Takođe, ponovljena je inicijativa za ubrzavanje aktivnosti na upisu vinske liste Bosne i Hercegovine u e-Bacchus bazu podataka o vinima (koji je sada na engleskom jeziku i

treba je prevesti na jezike u službenoj upotrebi u Bosni i Hercegovini), te uskladiti s domaćim propisima koji regulišu „vinsku rejonizaciju vinogradarstva“, te inicijativa za što bržim donošenjem Zakona o vinu BiH i drugih propisa (usklađenih sa propisima Evropske unije), koji će osigurati povoljniji zakonodavno-pravni ambijent za održivi razvoj vinarско-vinogradarskog sektora time što će se uspostaviti i održavati jedinstveno i uređeno tržište;

- Dostavio urgenciju na ranije pokrenutu inicijativu (prema Ministarstvu komunikacija i prometa BiH) oko donošenja provedbenih akata na Zakon o elektronskom potpisu BiH („Službeni glasnik BiH“, broj 91/06), jer bez istih nije moguće poboljšati kvalitet rada i skratiti trajanje nekih carinskih postupaka /procedura.

Članovi Izvoznog savjeta BiH su istaknuli dugoročne negativne posljedice za proizvođače /izvoznike (nepotrebni finansijski troškovi prilikom nabavke potrebnih alata i opreme /mašina) zbog nedonošenja podzakonskog akata, prema članu 207. novog Zakona o carinskoj politici u Bosni i Hercegovini, koji se odnosi na oslobađanje plaćanja uvoznih dažbina na robe (opremu i mašine) pri uvozu na carinsko područje Bosne i Hercegovine. Proizvođači /izvoznici su naglasili da veliki značaj ima donošenje ovog podzakonskog akta za modernizaciju i osavremenjivanje postojeće proizvodne tehnologije. Izvozni savjet BiH je uputio urgenciju Upravnom odboru Uprave za indirektno oporezivanje BiH na hitnom donošenju navedenog provedbenog akta.

Takođe, Izvozni savjet BiH je dao podršku inicijativi asocijacija /udruženja /grupacija pri Spoljnotrgovinskoj komore BiH prema Upravi za indirektno oporezivanje BiH za izmjenom odredbi Zakona o porezu na dodanu vrijednost BiH, koji se odnose na pomjeranje roka plaćanja poreza sa 10. u mjesecu na kraj tekućeg mjeseca, što bi znatno olakšalo i smanjilo troškove poslovanja privrednicima jer bi to (dodatno vrijeme) omogućilo bolju naplatu potraživanja po izdatim fakturama, a to bi osiguralo smanjenje troškova za plaćanje kamata na kredite bankama koja se podižu za plaćanje tog poreza, a također bi osiguralo i dodatna obrtna sredstva za proizvodnju.

Izvozni savjet BiH više puta raspravljao o stanju u drvnom sektoru, s posebnim naglaskom na sve veći izvoz šumskih sortimenata (ukupno 42,0% izvoza drvnog sektora otpada na izvoz trupaca, ogrijevno drvo i rezanu građu), što se negativno odražava na snabdijevanje potrebnim sirovinama domaćih proizvođača, a to direktno utiče na obim proizvodnju i na izvoz proizvoda više faze obrade (nemogućnosti zaključivanja dugoročnih izvoznih poslova).

Izvozni savjet BiH podržava sve zajedničke aktivnosti entitetskih vlada /resornih ministarstava i Spoljnotrgovinske komore BiH (Asocijacije drvne industrije i šumarstva), koje su usmjerene na pripremu određenih mjera (usklađenih sa međunarodnim normama i standardima) s ciljem dugoročnog rješavanja ovog problema, a posebno podržava prijedlog da se ovo pitanje riješava uz pomoć i podršku MSTEО BiH /Savjeta ministara BiH (imajući u vidu da se radi o strateškom sektoru koji je u 2017. godini zabilježio suficit u spoljnotrgovinskoj razmijeni od gotovo milijadu KM).

Nadalje, Izvozni savjet BiH podržava kontinuirane aktivnosti MSTEО BiH na promociji domaće proizvodnje, kroz odobravanje grant sredstava za sufinansiranje učešća privrednim subjektima na međunarodnim i domaćim sajmovima, i posebno naglašava da su za ovu namjenu u 2017. godini ova sredstva iznosila 750.000,00 KM (što predstavlja značajno povećanje u odnosu na 2015. godinu kada su izdvojena novačana sredstva u iznosu od 350.000,00 KM), a realizacijom ovih sredstava ostvareni su odgovarajućih pozitivnih efekata

kroz bolju promociju privrednih kapaciteta i rastu spoljnotrgovinske razmjene. Sljedom navedenog inicijativa Izvoznog savjeta BiH je da MSTEIO BiH nastavi sa ovim aktivnostima u narednim godinama sa potrebom na povećanju iznosa grant sredstava za organizovanje međunarodnih sajмова i sličnih manifestacija.

5. PLANIRANE AKTIVNOSTI U PRVOJ POLOVINI 2018. GODINE

Aktivnosti Izvoznog savjeta BiH u prvoj polovini 2018. godine, biće, između ostalog:

- Analiza svih pokrenutih inicijativa u 2017. godini prema različitim institucijama, s ciljem utvrđivanja stepena provedenosti istih;
- Analiza Izvještaja o realizaciji aktivnosti Agencije za promociju izvoza BiH (Spoljnotrgovinska komora BiH) za 2017. godinu i Plana aktivnosti za 2018. godinu, kao i analiza Izvještaja o radu sektora ekonomske diplomatije Ministarstva inostranih poslova BiH za 2017. godinu i Plan aktivnosti za 2018. godinu;
- Analiza aktivnosti i davanje podrške Sektoru za spoljnotrgovinsku politiku i strana ulaganaja u MSTEIO BIH oko uključivanje u buduće EU projekte – IPA 2018, koji bi osigurali jačanje kapaciteta Izvoznog savjeta BiH, kao i donošenje Okvirne strategije unapređenja izvoza Bosne i Hercegovine;
- Pokretanja inicijative oko izmjene Zakona o spoljnotrgovinskoj politici BiH i Zakona o direktnim stranim ulaganjima u BiH, radi usklađivanja sa propisima Evropske unije (i WTO pravilima), sa ciljem stvaranja boljeg i sigurnijeg poslovnog okruženje što treba osigurati i brži rast stranih investicija;
- Analiza ostvarenih rezultata u 2017. godini iz oblasti „infrastrukture kvaliteta“ (standardizacija, mjeriteljstvo, akreditacije, nadzor nad tržištem);
- Analiza ostvarenih rezultata /obaveza iz dokumenta „Mapa puta za izvoz proizvoda biljnog i životinjskog porjekla“, posebno realizacija aktivnosti oko donošenja Zakona o hrani u BiH, Zakona o veterinarstvu BiH i Zakona o poljoprivredi, prehrani i ruralnom razvoju BiH.

6. PREPORUKE IZVOZNOG SAVJETA BIH

U skladu sa naprijed navedenim Izvozni savjet BiH predlaže Savjetu ministara BiH, da nakon razmatranja Informacije o radu Izvoznog savjeta BiH, za period 01.01.-31.12.2017. godine, usvoji istu sa predloženim preporukama:

- I. Preporuku da se donese Odluka o provođenju Zakona o carinskoj politici u Bosni i Hercegovini („Službeni glasnik“, BiH, broj 58/15), kao i Odluka o uslovima i postupku ostvarivanja prava na oslobađanje od plaćanja uvoznih dažbina (vezano za čl. 207., 208. i 279. stav 2. tačka b) istog Zakona), kojom se oslobađa oprema za proizvodnju koja se ne proizvodi u Bosni i Hercegovin od uvoznih dažbina, a to bi osiguralo novu tehnologiju i ubrzalo modernizaciju postojeće proizvodne tehnologije;
- II. Preporuku MSTEIO BiH i Savjetu ministara BiH da se „Odluka o privremenoj suspenziji i smanjenju carinskih stopa prilikom uvoza određenih repromaterijala koji se koriste

isključivo u proizvodnji“, proširi i robama /repromaterijalima (u dosadašnjim odlukama su uglavnom uključivane robe za sektor obuće i tekstila) iz sektora metalne, drvene industrije i drugih, te da se predmetna Odluka donosi sredinom tekuće godine za narednu godinu (sadašnja praksa je da se odluka donosi krajem decembra tekuće godine za narednu godinu), jer bi se na taj način osiguravali veći efekti i sigurnost u poslovanju privrednih subjekta, kao i pri zaključivanju poslovnih ugovora sa stranim partnerima;

- III. Preporuku Savjetu ministara BiH, resornim ministarstvima i nadležnim institucijama (za standardizaciju, mjeriteljstvo, akreditaciju, nadzor nad tržištem, itd.) za bržim preuzimanjem /provođenjem direktiva /tehničkih propisa /standarda Evropske unije iz oblasti „infrastrukture kvaliteta“;
- IV. Preporuku Ministarstvu inostranih poslova BiH, Savjetu ministara BiH i Predsjedništvu BiH da pokrenu neophodne aktivnosti s ciljem omogućavanja izvoza proizvoda namjenske industrije u Republiku Azerbejdžan (imajući u vidu činjenicu da zemlje regiona već dugi period izvoze ove proizvode u tu zemlju);
- V. Preporuku Ministarstvu komunikacija i prometa BiH i Savjetu ministara BiH za ubrza donošenje provedbenih propisa na Zakon o elektronskom potpisu BiH („Službeni glasnik BiH“, broj: 91/06), a posebno one koje se odnose na uvođenje elektronskog poslovanja u oblasti carina i poreza, čime bi se osiguralo bespapirno poslovanje, ubrzale procedure i komunikacija nadležnih institucija i kompanija, kao i znatno smanjili troškovi poslovanja;
- VI. Preporuku Savjetu ministara BiH, resornom ministarstvu i Upravi za indirektno oporezivanje BiH za izmjene odredbe Zakona o porezu na dodanu vrijednost BiH („Službeni glasnik BiH“, br. 09/05, 35/05 i 100/08), koja se odnosi na plaćanje poreza na dodanu vrijednost (da se plaćanje poreza na dodanu vrijednost pomjeri sa 10. u mjesecu na kraj tekućeg mjeseca).

Predsjedavajući Izvoznog savjeta BiH

Dragiša Mekić





1235

Broj: 05-07-1-726-5/18
Sarajevo, 20. 3. 2018. godine

05-509

MINISTARSTVO VANJSKE TRGOVINE I EKONOMSKIH ODNOSA BIH
- n/r tajniku Ministarstva -



01
02
03

PRIMLJENO: 26. 03. 2018			
Organizaciona jedinica	Klasifikaciona oznaka	Redni broj	Broj priloga
05	50-	554-2/18	

PREDMET: Obavijest o zaključku Vijeća ministara BiH

Vijeće ministara Bosne i Hercegovine, na 136. sjednici održanoj 20. 3. 2018. godine, razmotrilo je Informaciju o radu Izvoznog vijeća Bosne i Hercegovine za razdoblje 1. 1. – 31. 12. 2017. godine, te u vezi s tim zaključilo:

7418

- usvaja se Informacija o radu Izvoznog vijeća Bosne i Hercegovine za razdoblje 1. 1. – 31. 12. 2017. godine.

O zaključku vas informiramo radi njegove provedbe.

S poštovanjem,



v. d. GENERALNOG TAJNIKA
Robert Vidović

